

a) Gastos corrientes derivados de la realización de proyectos para fomentar las actividades educativas, recreativas, culturales y cualquier otra actividad que realicen los beneficiarios siempre que sean dirigidas a la colectividad escolar

b) Gastos generales de funcionamiento, conservación, mantenimiento o reparaciones menores de la entidad, que no tengan el carácter de inversión.

Tercero. Cuantía de la ayuda.

Crédito total 3.750 €, máximo 1.250 € por cada ayuda.

Cuarto. Plazo de presentación de solicitudes.

Veinte días a partir del día siguiente al de la publicación de estas bases en el Boletín Oficial da Provincia de Lugo.

Cervo, 03 de noviembre de 2016.- El Alcalde, Alfonso Villares Bermúdez

R. 3367

BASE DE DATOS NACIONAL DE SUBVENCIONES (BDNS) – LUGO

Anuncio

Extracto do acordo nº 25/695, da Xunta de Goberno Local, na sesión ordinaria celebrada o día 26 de outubro de 2016, polo que se convocan subvencións para asociacións e persoas xurídico privadas sen ánimo de lucro que desenvolven a súa actividade no eido dos servizos sociais. Exercicio económico 2016.

BDNS(Identif.):321576

De conformidade co previsto nos artigos 17.3.b. e 20.8.a. da Lei 38/2003, do 17 de novembro, xeral de subvencións, publícase o extracto da convocatoria cuxo texto completo se pode consultar na Base de datos nacional de subvencións.

Primeiro. Requisitos para ser entidades beneficiarias de subvención.

Poderán acollerse a esta convocatoria de subvencións todas as asociacións ou entidades xurídico-privadas sen ánimo de lucro que cumpran os seguintes requisitos:

a) Estar legalmente constituídas e domiciliadas no concello de Lugo. Con carácter excepcional, tamén poderán incluírse aquelas entidades foráneas que pretendan executar, dentro deste termo municipal, un proxecto para o desenvolvemento de accións ou actividades que beneficien ás veciñas e veciños de Lugo que se encontren en situación de desvantaxe. Este punto acreditarase a través dunha memoria que se achegue para os efectos.

b) Figurar inscritas no Rexistro municipal de asociacións do Concello de Lugo ou no seu caso no Rexistro público de fundacións ou calquera outro rexistro público que proceda.

c) Estar ao corrente das súas obrigas tributarias estatais, autonómicas, locais e da Seguridade Social. No momento da solicitude da subvención, este aspecto poderá quedar acreditado para estes efectos, coa declaración responsable incluída no Anexo IV das bases, e no momento da xustificación da axuda deberá acreditarse mediante a presentación das certificacións ás que se refire o parágrafo f) do artigo 10 das bases.

d) Non estar incurso nos supostos previstos nos artigos 10.2 e 10.3 da Lei 9/2007, do 13 de xuño, de subvencións de Galicia, así como nos 13.2 e 13.3 da Lei 38/2003, do 17 de novembro, xeral de subvencións.

e) Ter xustificadas debidamente os gastos correspondentes a subvencións concedidas con anterioridade polo Concello de Lugo.

f) Desenvolver actividades e/ou programas que beneficien a persoas e/ou colectivos en situación de desvantaxe: xoves menores de 25 anos demandantes do primeiro emprego e que abandonaran prematuramente a formación regrada ou que presenten fracaso escolar; persoas paradas de longa duración, familia, infancia, persoas maiores, discapacitadas físicas, psíquicas e sensoriais, reclusas e/ou ex- reclusas; marxinadas sen fogar e transeúntes, toxicómanas (alcohólicas e drogodependentes), refuxiadas e asiladas, inmigrantes, enfermas psiquiátricas non institucionalizadas, enfermas terminais, etc., e minorías étnicas. Así como actividades e/ou programas que complementen a programación de animación sociocultural realizada dende o Concello de Lugo.

g) Non percibir, durante este exercicio económico, subvención municipal algunha das previstas nominativamente en 2016.

h) Non poderán solicitar subvención por un importe superior ao 95 % do custo total da acción para a que solicita subvención, segundo o orzamento presentado, xa que o 5 % restante é de obrigada asunción pola entidade e non pode ser subvencionado por parte doutras entidades públicas ou privadas, nacionais ou

estranxeiras. A existencia de xustificación de gastos referente ao 5% refírese ao 5% do orzamento da actividade presentada con independencia do gasto efectivo total devengado.

i) Ter presentado na Oficina de Participación Cidadá o orzamento, memoria de actividades anual e renovación dos membros da directiva.

Segundo. Bases reguladoras

As bases xerais reguladoras da concesión de subvencións a asociacións e persoas xurídico-privadas sen ánimo de lucro, que desenvolven a súa actividade no eido dos servizos sociais para o desenvolvemento de programas e actividades de interese xeral e sectorial e para o mantemento, conservación e pequenas reparacións das infraestruturas nas que se levan a cabo estes programas e actividades, exercicio económico 2016, aprobounas a Xunta de Goberno local do Concello de Lugo, Acordo número 25/695, na sesión ordinaria que tivo lugar o 26 de outubro de dous mil dezaseis, e publicáronse no BOP de Lugo número 253, do 4 de novembro de 2016.

Terceiro. Contía

No orzamento municipal para o exercicio de 2016 existe consignación orzamentaria para a concesión de subvencións segundo a continuación se indica:

Servizo Servizos Sociais

Partida orzamentaria 23179.48900

Importe 25.500 €

A concesión ou denegación das subvencións, así como a súa cuantificación económica, efectuarase tendo en conta os seguintes criterios:

Criterio de valoración

Puntuación

Interese xeral da actividade ou programa. Valorarase especialmente a súa incidencia real na colectividade.

Ata 3

Especialización na atención a colectivos aos que vai dirixida a actividade.

Ata 2

Carácter permanente e continuo da actividade ou programa.

Ata 1

Que se trate de entidades ou asociacións que presenten, a xuízo da comisión de avaliación unha traxectoria de coordinación e colaboración nas súas actuacións co Concello.

Ata 1

Orixinalidade e carácter innovador da actividade.

Ata 1

Que se trate de actuacións dirixidas a colectivos en especial situación de desvantaxe ou con especiais dificultades de inserción social.

Ata 3

Que a entidade conte cunha vogalía ou departamento de muller ou igualdade.

3 puntos

Que se trate de programas en zonas do municipio con menor incidencia da acción e participación social, fundamentalmente na zona rural.

Ata 2

Puntuación máxima 16 puntos

Unha vez sumada a puntuación obtida por todos os expedientes, é necesario achar o valor punto. Para isto, divídese o importe total para repartir entre o número total de puntos obtidos por todas as accións subvencionadas.

A cantidade para outorgar a cada entidade será a resultante de multiplicar o valor punto polo número de puntos obtidos por esta, sen que poida superar individualmente os 3.000 €.

Se a cantidade resultante desta operación fose superior á subvención solicitada e subvencionable, concederáselle esta última. O importe sobranse distribuírase con idéntico criterio.

Cuarto. Forma e prazo de presentación das solicitudes

- As solicitudes de subvención, xunto coa documentación precisa, presentaranse no Rexistro Xeral do Concello de Lugo ou ben por calquera dos medios establecidos no artigo 16.4 da Lei 39/2015, do 1 de outubro, do procedemento administrativo común das administracións públicas.

- O prazo para presentar as solicitudes será de 15 días hábiles, contados a partir do día seguinte ao da publicación do extracto da convocatoria no BOP, por conducto da BDNS.

- Poderán, excepcionalmente, admitirse fóra de prazo solicitudes que, por circunstancias novas ou imprevistas e que a xuízo do órgano competente, non se puidesen presentar dentro deste. Estas tramitaranse de acordo coas bases, agás no referente ao cumprimento do prazo, e estarán supeditadas á existencia de dispoñibilidade orzamentaria.

LUGO, 04 de novembro.- Ana María González Abelleira, Tenenta de Alcalde delegada da Area de Benestar Social, Igualdade e Inclusión.

R. 3368
